

金山堂集 卷十四
佐郡才何屈登途意轉遲臨分贈長劍持此慰相思
再贈貞夫時甫遷官秩遽有左官之命

聞禮稱才子含香作正郎所期趨鶴禁何意別鷓行
郡古山橫翠亭秋樹帶霜中朝昆季在宵夢憶連床

書奏吟

書奏南宮夜孤忠祗自憐此心惟報主何語可回天
駑力衰年後鴻儀邃古前誰知避人吏撫枕一潸然

待朝鮮使臣宴

文軌通函夏衣冠捧御筵萬方來貢日四海太平年
湛露承堯酒薰風被舜絃濫陪欣頌賞竊吹仰鈞天

二

御醴傳銀甕宮花剪絳羅夾衢陳警衛當席擁笙歌
化洽提封遠恩霑賜宴多還聞使臣語東海不揚波
贊治堂賞蓮次席間諸學士韻各一首

南省清芬雨露邊徵歡來賞后池蓮即憑酒盞消炎
日最愛花枝拂曙烟名籍早爲同榜客衣冠齊列大
羅仙蕙葭顧我空形穢愧倚臨風玉樹前

右次詹事陸公儼山

向來雲臥鄴城邊纔得君王賜炬蓮誰擬著書忘歲
月尚看揮翰落雲烟舊栽桃樹非前主新着官袍是

金山堂集 卷之四
謫仙馬首獨歸情脉脉為君惆悵晚花前

右次少詹事崔公後渠

春藕移栽近日邊
花開不數越溪蓮
光搖玉簟清無暑
香逐金爐煖帶烟
興至故應忘主客
官閒真得似神仙
懷賢合作甘棠看
又落風神夢覺前

連為公署部印時所

種也

右次太子賓客張公甬川

盆池仙萼傍南宮
綠樹涼生滿院風
勝日琴觴邀上客
清朝簪組盛群公
近人海鶴閒過砌
多事園蜂競遶叢
暫喜近來曹務簡
不妨相勸醉顏紅

右次少宗伯張公陽峯

胡少叅汝茂自楚藩以詩惠寄用韻酬之

郢上春逢今忽秋
年光真共水東流
芙蓉遠道能相贈
瓊玖清詞不易酬
觴對鶴樓江自遶
文題蘭省石還留
期君共結明庭綬
未向關河嘆阻修

君為精膳時嘗立石

題名為文以記

自笑茆齋映雪人
謾披陳蠹學經綸
幸於禮樂逢明聖
豈有文章動縉紳
秉燭夜堂還草奏
攬衣朝閣更迎賓
南宮故舊勞相問
潦倒風塵白髮新

吳給諫出叅藩政賦贈

紫薇旌節旬宣地
青瑣衣冠侍從年
吳苑書遊人似

金山堂集 卷五
玉楚帆西上水如天子牟戀闕江湖遠召伯留棠惠
化傳題柱盛名今不淺海邦新勒使夷編君奉使朝鮮其所著

作國人刻梓以傳

贈劉以道僉憲之閩中

南徼持風紀中臺輟俊賢拜恩分雨露執法動星躔
九派揚帆外三山攬纜前威傳風偃草操凜月行天
邪畏神羊觸喬惟谷鳥遷列城皆擁傳遙夜尚窺編
候館明丹荔靈峯肅紫烟舶通溟海客筵會幔亭仙
未厭飛蓬遠惟聽薦藁先臨分贈長劍揮于帝城邊
龔母壽詩為諭德鳴治作

錦誥銜恩重青鸞送喜頻馳榮逢聖代獻壽及佳辰
才子當朝彥宮臣簡命新龍頭魁殿選鰲禁得儒珍
辛苦熊丸訓芬芳俎豆鄰關睢稱媿德秦葉咏宜人
年喜稀齡屆天於景福申仙盃凝露菊家饌膾江鱗
愛日情彌愜瞻雲意轉頻裁詩寄南極遙祝鳳池濱
宮寮燕集詩

孟冬廿一日集燕詹府之堂卿保而下三十有三
人皆官秩也尚書霍公實爲之主大宰許公首倡
紀會之作予輒嗣和焉

宮城佳氣鬱蒼蒼八座華裾照羽觴夏室謳歌歡有

子虞廷入拜佇惟良筵開玉署蓬瀛裏地切金莖雨
露傍廊廟衆賢今彙進 帝圖皇曆自遐昌

古松寒柏對青蒼地主高情勸累觴聖世鳳麟爭睹
瑞崑岡與璧總稱良門臨玉澗來天上樹擁金隄近
席傍淺薄豈堪塵寵秩也陪星履躡文昌

起瞻東震氣逾蒼盛會難逢更盡觴馮翼願同周士
吉股肱惟藉舜臣良晨趨劍佩鑪烟上書接威顏黼
座傍少海前星占國瑞天長地久祝時昌

送華侍讀歸省

渡江汀草發春色近庭闈况是神仙吏遙從霄漢歸

泉聲間伶吹花氣襲宮衣舊日觀書處雲窓在翠微

錢子中挽詩

抱志豈不廣其如值數竒山陽舊行處鄰笛使人悲
素簡留丹篋新花發故池何因慰溟漠拭淚一題詩

早春送孫志高編修南還

將母承俞詔還鄉美畫遊草新迎擁傳波暖待維舟
忠孝傳家世文章軼俊流尚書遺烈在恩露滿松楸

送張濟甫提學

學憲從來重君當拔擢新簡書還自畏鉛槧轉須親
秉燭儒臺夜停車越水春要令全浙士文體盡還醇

送曹際卿大叅

楚楚今藩伯星軺去若仙名高稱吏部境勝入湘川
江靜深含綠峯晴迥帶烟旬宣多惠政要使遠人傳
葉工部本道自南都來話舊述情因有此作錄
似葉君并寄謝南都諸故舊

吏散長安日杜門故人相見鬢開尊人情棘上青蠅
變身事池邊老鳳蹲閱盡世途惟自信別來幽抱可
誰論留都知舊勞相問渭樹江雲入夢魂

刑部楊郎中精工醫術嘗已予疾於艱亟茲出
守夔郡作詩贈之

共誇刺史專城貴爲惜佳人萬里行朝發薊門催驛
騎暮經巴峽聽猿聲名山采藥烟霞迥燕寢凝香几
牘清衰病藉君留不住青精黃獨倍關情

贊治堂續賞荷之會有懷崔公後渠次韻二首

畫省新荷綠滿池露紅重發最高枝因攀上客勞軒
蓋更續前題感歲時坐近風香開翠幌飲留霞色對
瓊卮妨賢此地能無愧回憶滄洲意轉遲

地靜宮城傳午漏樹深齋閣引涼颼還拚劇飲追河
朔每誦高唫出鳳池瑞露乍疑金掌重仙歌欲度綵
雲遲美人南國遙難並折贈無因寄所思

鈴山堂集卷第十四

臺灣國家圖書館, NATIONAL CENTRAL LIBRARY, TAIWAN, R.O.C.

鈴山堂集卷第十五目錄

詩

賜遊小山并金海泛舟至廣寒殿詩有序

恭和 聖製朝泛舟于金海

恭和 聖製中秋思 母歌

侍 上金海放燈

辛丑三月十七日直宿 無逸殿奉 旨同閣

老程公詳定進士試卷

詳定試卷 上命中官齋賜丁香花一枝并金

花筒簪之恭紀四絕

禱雨金海祠上香作

夜叩金海祠同五臣舟還

奉命永明殿先聖堂代拜

登憑虛山殿在永明殿之南巖洞甚奇

萬壽日賜宴內殿賜官製彩花并栢葉一枝金

筒簪之

元夕侍宴幽風亭觀燈

壬寅正月

嘉靖壬寅三月四日直宿西苑時雨適澍上

召賜酒仁壽宮中恭述二章

勅賜禁中乘馬

太液乘舟

侍上登苑中閣

駕還仁壽宮召入賜飲白酒兼賜時服緋羅

彩補

賜遊清馥殿

少師桂翁壽詩

桂翁壽詩同諸學士作

賜川扇

送太宰許公致政

送赦刑部兩浙慮囚

送錢刑部之四川

贈別張銀臺歸吳

直宿 無逸殿次少師桂翁韻

九日少傅相公集飲次席間韻

十日翊國太師京山都尉集飲用前韻

晚秋時菊盛開復有紅葵一株作花次韻儼山

學士

劉起之儀部出副閩憲有贈

送董子儀主事

送寇貞外陽之浙江僉憲

贈張長史時言

太子賓客張公母夫人九十壽

寄贈南大司成龔先生

看新曆自感

金華山志卷之三
一
殷鑒之義云亭中設榭貯書 上至以備覽攀磴
陟山嶺曰清虛殿俯瞰都城歷歷可見山腰累石
爲洞刻石肖龍水自龍吻出噴灑若簾其前爲曲
流觀甃石引水作九曲流觴皆雕琢奇異布置神
巧又南爲瑤景翠林二亭中架石梁通東西兩池
金鱗遊泳其大者可尺許奇石錯列古木森蔚彌
望乃往觀省耕亭 上即隙地墾田督農耕之臨
閱則坐此又鑿井灌畦爲井亭衆稱讚良久乃列
坐松栢間享酒饌中官相與勸酬甚懽既又傳
旨賜登舟泛金海往觀于廣寒山舟蕩槳持楫者

皆中使水光盪漾遠近亭殿隱現金碧交輝恍若
身造瑤池弱水之間也舍舟登岸以陟廣寒之殿
絕頂巍峙高入雲漢山麓爲臺爲洞爲堆雲積翠
之坊周覽畢復賜酒饌坐松栢間皆醉飽而出群
臣莫不感 恩懷德以爲希世之遇 臣蒿何幸獲
預斯列謹各紀一詩而識其事如此云

清虛殿

皇宮西畔闕層丘別有天門洞壑幽玉榭金亭雲霧
裏年年此地奉宸遊

鑒戒亭

巖松總是和雲種湖石猶疑縮地來
聖主揭名存鑿戒簡編時向此中開

水簾洞

玉龍噴水當幽洞飛下青巒注碧池
池中金鯉閑游泳聖澤長涵自不知

曲流觀

濺玉飛瓊出洞來巧穿渠石自縈迴
春來耐好浮花片爲進君王萬壽盃

瑤景翠林二亭

山連瓊島宜飛鳳水作金潭會濯龍
聖主經年罷

遊幸琪花瑤草若爲容

省耕亭

枯槁聲處起高亭新構宏規出聖情
歲歲柳陰晴日裏翠華來此看春耕

廣寒殿

差我臺殿倚層巔古木長雲上界連
太液無風開玉鏡時時飛翠落晴淵

金海

堆雲積翠岩堯逕玉竦金鰲死轉橋
坐倚古松宣賜宴醉臨盤石待回橈

金山堂集 卷之三
恭和 聖製朝泛舟于金海二首

太液波澄曉鏡舒滿汀芳露濕紅蕖樓臺隱映移天
上草樹龍葱帶雨餘雲中扶輦來祥鳳蘋際隨舟躍
錦魚此日宸遊歌聖藻應知朝野共歡娛
龍舸中流四望舒水容波色淨仙渠紅搖錦繡千重
裏碧浸玻璃萬頃餘巖畔青松停瑞鶴洲前翠荇觸
遊魚蓬丘閬苑非人境萬歲千秋奉聖娛

恭和 聖製中秋思 母歌

人間此夕逢三五皓魄堂空初過午玉宇瓊樓景色
佳誰道吾 皇心獨苦皇心獨苦兮應奈何對景傷

情兮念慈母慈母當年復且顧仙昇一旦如乖忤節
值中秋可嘯歌黥然昨夜生陰雨我皇感此重愴悽
欲捧瑤觴共誰語彷彿如瞻天上容徘徊尚憶生前
語大孝吾皇真聖子聖子懸懸望母歸鳳輦龍輿日
幾歸直駕紅雲謁紫清紫清闔闔九門通玉几聲音
非杳冥恍然慈訓時時聆秋光春色有代換聖情痛
慕還無終長歌特製名思母至言歷歷流心腑絢目
昭回天地文仁民致治本親親皇風帝德過堯舜臣
拜稽首歌聖人

侍 上金海放燈

紅燈焰焰水泚泚此夕真從天漢遊鸞簫鳳管鳴仙
吹錦纜龍旗引御舟

恍驚華渚流虹照宛是緱山駕鳳來仙人指點瑤池
上萬朶金蓮頃刻開

辛丑三月十七日直宿無逸殿奉 旨同閣老

翟公詳定進士試卷遂命充讀卷官故事禮
卿不得預此蓋特命云

殿閣篝簾蠟炬紅品題初拆御前封燕臺驪牡還求
駿禹穴風雷欲化龍直以文章需俊傑要將忠孝答
遭逢掄材自是台司事慚備春卿得濫從

詳定試卷 上命中官齋賜丁香花一枝并金

筒簪之恭紀四絕

麗色繁香簇絳霞中官擊賜御園花欲知簪處君恩
重看取金筒壓帽斜

宜春苑裏丁香樹帶露籠煙錦作團不是天家親折
賜何因得借一枝看

御苑名花萬樹開重重金屋鎖樓臺忽報風香來滿
鬢歡從天上戴春回

四十年前射策人晚遭 明聖寵恩頻宮前手把花
枝看復似瓊林醉後春

禱雨金海祠上香作

石磴松林金殿開
禮臣恭捧御香來
聖主憂民望
甘澤龍官莫待玉符催

赤符仙篆下金波
燭焰爐香遶樹多
最是片雲將雨
至忽教吹散柰風何

寶淵金海是龍宮
水殿長吹夜夜風
何事老龍猶未
起不將霖雨代天工

夜叩金海祠同五臣舟還

宮前玉漏千門鎖
樹裏紅燈幾處張
祇役不辭舟路
遠廣寒山下月蒼蒼

荻風蕭瑟樹煙多
綠水澄潭足芰荷
誰信夜深來太
液共搖仙艇坐星河

奉命永明殿先聖堂代拜

永明頻代拜秋晨
復此來燭裏金門
啓松間寶殿開
香煙羅几席雲霧
隱樓臺明祀崇群
聖靈章出帝裁
登憑虛山殿在永
明殿之南巖洞甚
竒

峯殿鬱岩堯登臨
近九霄曙煙籠闕
迥殘月帶城遙
翔鳳金爲閣飛虹
玉作橋乘輿罷遊
幸花色爲誰饒

萬壽日賜宴內殿
賜宮製彩花并栢
葉一枝金

筒簪之

鐘山堂集 卷之六
酒開天苑綠醅濃帽插金花栢葉重願祝 聖齡如
此栢青青不改四時容

元夕侍宴幽風亭觀燈

壬寅正月

節值燃燈夜金宮賜御筵千年逢此席萬壽願齊天
瑞擁堦賞雪芳含花樹煙無窮太平曆長奉聖人前

二

霽雪動春容卿雲護九重翠華臨鳳闕火樹照鰲峯
應澤皇情豫浮祥御氣濃承恩歌既醉稽首祝華封

三

金海開芳殿初春翠輦過九門通夕炬雙闕近天河

御酒垂玄渥宸襟洽大和共忻陪睿賞何幸沐恩波

四

蓬瀛開玉樹樓觀壓金鰲積霰臨墀淨華燈影殿高
瑞煙浮綵仗春色上仙桃齊獻南山壽筵前拜袞袍

五

絳蠟千枝鳳金橋萬道虹瑞雲華蓋上明月禁城中
鎬宴沾同樂堯年慶屢豐宸遊端可頌俚曲愧難工

嘉靖壬寅三月四日同勳輔五臣直宿西苑時

雨適澍 上召賜酒仁壽宮中 諭曰寒春

宵分召卿等飲一鍾朕手注之酒殿中少看

待雨畧住出銀鍾帶歸 聖恩隆渥前代所
未有也恭賦近體二首志感

春殿宵寒捧賜膠東皇時降雨如膏人間樂歲占楚
麥天上恩波醉碧桃度苑暗聞仙漏轉拂簾初識御
香高恭承示諭 皇情重此夕千年豈易遭

雨夜承明催入召親勞 御手注堯尊霑雲湛露恩
同渥桂殿蘭宮景自溫盛事故湏傳汗簡微生何以
答乾坤歸來更捧銀盃賜世世珍藏示子孫

勅賜禁中乘馬
天閑神駿 勅教騎長奉傳宣過苑堤因是翠華

宸蹕近柳邊深隱不聞嘶

太液乘舟

蘭舟演漾水雲空花葉田田島嶼風棹入瓊波最深
處玉樓金殿影西東

孟夏初夕侍 上登苑中閣

寶閣璇霄上重城鳳苑西 聖容瞻更密天路到應
迷檻拂煙虹麗窓懸日月齊翠簾紅燭裏何幸得攀
躋

帝苑開金閣仙臺駐玉鑾山鄰飛鳳島路接會真壇
眺迥星辰滿憑高氣色寒叨隨 六龍御真在五雲

端

駕還仁壽宮復 召入賜飲白酒兼賜時服緋

羅彩補

上閣登初罷西宮勅又催香羅頰笥服玉醴酌天杯
魚鑰通宵啓金蓮伴醉回將何報 明主竚立重徘徊

徊

賜遊 清馥殿

帝苑雲霞麗仙宮洞壑幽春生翡翠殿花滿鳳凰樓
瑤草迎宸蹕瓊波待御舟共傳 今聖孝當日奉
慈遊

十里宜春苑金堤覆綠楊水涵瑤殿碧花簇錦亭芳
馳道通長樂離宮接建章微臣一何幸留賞沐恩光

少師桂翁壽詩

德以精靈降賢為邦國珍商巖先夢說崧嶽會生申
帷幄開黃閣冠裾上紫宸垂衣逢 上聖調鼎寄元
臣溫室承顏密明光起草頻珪璋才獨擅魚水契無
鄰掀揭鵬圖大翱翔鷺羽振泰階扶景曜鰲極握洪
鈞禮樂回三代絲綸暢八垠巖瞻擊國柱壽曆紀莊
椿佳節傳朱夏長庚耀紫旻恩波天上洽雲物望中
新履集南宮感觴連北斗醇美徵池浴鳳祥協綬隨

麟騎擁平沙
曙花留綺席
春王褒應有頌
千載慶茲辰

桂翁壽詩同諸學士作

劍履從容漢殿東
絲綸密勿禁闈中
元台位極三公
貴大雅詞稱百代
雄壽酒當杯分
湛露薰絃應曲奏
南風蟠桃已熟
三千歲麟閣真收第一功

賜川扇在西死作

聖恩宣賜揮炎扇
首篚初從蜀國來
忽引清風生玉
殿還擎寶月下
瑤臺

錦江鸞扇鬱金香
黃帕擎來近御床
竊祿南宮無補

報年年頌賜沐恩光

太液池邊暑氣生
海榴英簇絳霞明
蜀王新貢金花
箋御苑傳呼賜禮卿

送太宰許公致政

宛洛風煙繫夢頻
賜歸今得自由身
三朝柱石收公
望兩世銓衡秉國鈞
辭闕祖筵歌漢傳
入關仙氣報
秦人極知感激
君恩重夜夜巖扉望北辰

送教刑部兩浙慮囚

西曹冠蓋乘春發
白馬翩翩草色青
原隰光華持漢
節簡書欽恤奉
虞庭臺端秉燭
頻看牘湖上移
尊暫

金山堂集 卷五
駐舫共說九天携雨露一時沾灑向東溟

送錢刑部之四川

使節初從東浙歸又看銜命下彤闈明經斷獄曾何忝擁傳還鄉倍有輝北極星辰移益部層霄雷雨灑園扉平反有奏還相寄遥睇江關朔鴈飛

次韻贈別張銀臺歸吳

離心不可極回首暮江濱滄海栖鷗鷺中朝惜鳳麟山吟招隱句亭學草玄人還憶長安邸相過意每真

二

草閣東吳地清川白石潯看雲塵慮失對酒別愁禁

聖代多徵詔君才豈卧林滄洲瞻魏闕真有子牟心

直宿 無逸殿次少師桂翁韻

儼直幽風殿焚香禱雨壇每勞宸諭數真沐聖恩寬廣樂聞天近金莖逼露寒九重憂早切瞻灑望雲端

二

日月開仙苑星辰拱帝壇晝陰猶自閣宸慮若為寬夜久天香靜風多水殿寒因題鳳池句花色起毫端

九日少傅相公集飲次席間韻

上相肯迂蓬巷轍佳辰聊薦菊花杯中台瑞氣龍葱合南谷霜英爛熳開謾引綵毫珠玉在緩歌金縷管

絃催共言休沐皆君賜秉燭留歡未擬回

十日翊國太師京山都尉集飲用前韻

太師國戚俱尊寵此日能同濁酒杯節過重陽芳菊
在堂臨西郭古槐開爭誇座上金貂貴莫問樓中玉
漏催更喜捲簾明月上艷歌聲裏舞行迴

晚秋時菊盛開復有紅葵一株作花次韻儼山

學士

久客長安即似家秋深開遍一庭花幸逢枉駕同星
聚便擬携尊坐日斜興到總宜揮藻翰語闌因任落
烏紗菊芳蘭秀俱堪愛長爲佳人感物華

小堂幽學野人家天上朝回日對花最愛老葵當檻
赤可勝芳菊遶欄斜風香送筆濃薰玉霜影臨窓巧
映紗書報所知頻悵望莫將心賞負年華

劉起之儀部出副閩憲有贈

春明斧鉞下青霄海國花深擁使貂得路驂騮標格
健乘風鸞鵠羽翰遙能將藻思讐三禮却假霜威布
六條願有至言來助我自慚無補聖明朝

送董子儀主事

鳳凰樓閣隱金扉羨爾含毫近紫微已信長鯨橫碧
海更看雲錦出天機星軺奉使榮何忝彩服寧親願

不違借問海山南去鶴乘風早向帝城歸

送寇員外陽之浙江僉憲乃父昔守寧波也

宿昔侍嚴駕却駐海州城今來持憲簡重問浙鄉程
政憶留棠舊名看擢桂榮珪璋懸世望鵷鷺列朝英
車接熊幡貴冠我豸角明驛花迎擁傳湖水照揚旌
行部遺黎識觀風宿蠹清曉裝凌霧重春舫壓波平
蘭署含香地旗亭惜別情臨分何以贈努力振家聲

贈張長史時言

魯衛親藩大衡廬楚道長除書登國傳歸棹指江鄉
仙醞濃堪致家音近易將河間今禮樂陪從有輝光

二

翰苑張東白先朝望獨尊百年喬木里儒業有諸孫
簪組恩華繼文章大雅存贈言情繾綣曾出李膺門

太子賓客張公母夫人九十壽

得見萱齡躋九袞佳辰壽學若爲歡官賓祿養堂開
玉天語恩褒誥捧鸞海熟蟠桃忘歲月院深慈竹報
平安庭闈樂事中朝羨忠孝榮名百代看

寄贈南大司成龔先生

詞林雋譽重珪璋師席居賢國倍光學館化行周胃
子制科名起漢賢良絃歌夜對金陵月袍袖春携玉

金
山
堂
集
卷
第
三
十
三
三
殿香欲寄別懷增悵望海雲江樹故微茫

看新曆自感用韻

此身夙夜但惟寅又見彤庭授曆新楚嶠憶家頻闕
歲燕郊吹律早知春君恩天地應難報世事陰晴
未足嗔年去桑榆欣自暖夢餘蕉鹿勘誰真

鈴山堂集卷第十五

鈴山堂集卷第十六目錄

詩

詔賜金海乘涼詩十首

恭紀恩賜詩二十九首

再奉旨金海乘涼舟泛和京山太傅

奉和桂翁無逸夜直之作

帝壇入拜

奉酬岱屏都尉

早入承天門見鴉次韻

東閣閱庶吉士卷簡同事諸先生

金
山
堂
集
卷
第
三
十
三
三
殿香欲寄別懷增悵望海雲江樹故微茫

看新曆自感用韻

此身夙夜但惟寅又見彤庭授曆新楚嶠憶家頻闕
歲燕郊吹律早知春君恩天地應難報世事陰晴
未足嗔年去桑榆欣自暖夢餘蕉鹿勘誰真

鈴山堂集卷第十五

鈴山堂集卷第十六目錄

詩

詔賜金海乘涼詩十首

恭紀 恩賜詩二十九首

再奉 旨金海乘涼舟泛和京山太傅

奉和桂翁 無逸夜直之作

帝壇入拜

奉酬岱屏都尉

早入承天門見鴉次韻

東閣閱庶吉士卷簡同事諸先生

金山堂集 卷一 金
無逸殿直舍和少師相公韻

禱雪直宿死中奉 詔詣都城隍祠行香以子

夜將事

海天春曉圖歌

步虛詞

贈童內方庶子

送許龍石少宰之南都

奉次少師桂翁 賜宴紀恩

再次桂翁鄉會即席韻

甬川張公閱僕舊作繆荷獎重次韻為謝

寄贈槎溪王翁

鈴山堂集卷第十六

詩南官稿

升菴楊慎評點

詔賜金海乘涼詩

有序

嘉靖辛丑六月二十六日勲輔四臣同蒿供事西苑直宿無逸殿時溽暑蒸燠上命中官導五臣每以巳末申前於金海邊乘涼是日出迎和門登舟泊水雲榭觀臨漪亭入椒園至崇智殿畫棟雕甍金碧輝煥蒼松栢盤鬱垂蔭不復知有暑氣明日由趨臺坡陟昭和殿又經樂成殿

觀稼亭又明日往觀于太素清馥二殿歷寶
月會景秋輝涵碧諸亭每至一所擇茂蔭授几而
休焉時荷花盛開雲錦極目澄漪倒影恍然如在
蓬萊仙境也伏自思念離宮秘苑非凡跡所至荷
蒙皇上寵恩之厚今春二月既賜遊小山茲
復賜遊金海連日汎流經壑以遍歷內苑之勝
遭逢之盛在古鮮儷誠何幸而得此也忻感之餘
恭賦近體詩十章以識其盛而境物繁鉅應接不
暇愧紀不能悉云
木陰深靜鳥聲和溽暑全消爽氣多太液池頭夜來

雨微風新綠水增波

百尺含風清暑殿千尋積翠廣寒宮颼颼涼意知何
許盡在鳴蟬萬木中

長松影裏頻移席紅藕香中謾駐撓玉殿金亭來避
暑若非緣福也難消

翠木陰陰碧水涯渚風汀日淨雲沙長安萬戶炎蒸
裏始信瑤臺是帝家

椒園臺殿鬱嵯峨別有重巖隱薜蘿坐久不禁清徹
骨水雲寥闊樹風多

觚稜照日山葢殿鑑影沉煙柳拂堤蘆葦叢深舟忽

到水禽驚起遶林啼

趨臺坡轉石林斜更覺清涼一倍加靜聽鳴鶯升別
樹遠看栖鷺立浮槎

樓臺一一明如畫水樹重重靜若惟人意願同天意
樂文王臺沼本無私

高松碧殿陰陰覆曲水金亭宛宛開竟日攀臨知未
盡萬花深處一舟迴
水邊龍艦金屏護樹裏虹橋翠幃過歸去莫言天上
事蓬萊宮闕渺星河

恭紀 恩賜詩

嵩荷蒙 聖眷便殿召對西苑宿直偕勳輔五臣
其果茗酒饌天厨日給金幣器物尚方珍賜不可
勝紀間紀數事得近體詩二十九首

賜玲瓏雕花玉帶

積素含輝雪色明尚方寶帶琢瑤瑛殿庭賜處 皇
恩重光價寧論十五城

賜金織蟒服

官恩宣賜蟒衣新玉帶金章併在身度德自知難稱
服遭時深幸得攀鱗

賜金嵌寶石斗牛絲環

金山堂集 卷之三
寶環分賜黃金爛珠顆勻圓石瑰竒如龍水獸疑騰
躍什襲尋常不敢窺

喜雨賜飲酒又 皇女生賜白金彩幣

直宿殿廬聞好雨四郊沾足慰 宸心承恩既醉宮
壺酒逢喜還分御帑金

賜香

賜來龍掛御奩香焚向齋廬坐夜長人間塵暑俱消
盡身在釣天玉案傍

賜五味湯 寢宮垂花簾下飲之

中侍高擎五味湯垂花簾下賜沾嘗如何說得天漿

味喉吻生涼齒頰香

賜酒饌瓜果等物中官日給勅免具謝

翠甕分醪出上尊玉盤傳膳給朝飧甘瓜脆果頻頻
賜勅遣諸臣免謝恩

賜花金筒簪之丁香零苓香草萬年松凡三被
賜

丁香折得宮園馥苓草移來楚澤春青愛萬年松色
好 君恩又見一回新

賜畫回扇二十四孝人物

宮扇新裁素楮清丹青仍肖古人形揮仁要滌寰中

金山堂集 卷之三
暑勸孝還同座右銘

賜茵茵一枝

太液浮舟花滿池
曉紅芳濕露濃時
雲錦萬叢誰敢折
特荷金筒賜一枝

賜畫扇有木刻海榴嬰隊字一嬰可寸許穴其

腹蔽象刻物器一百事工巧異甚

燕士刻猴能集棘藝稱工巧古難之請看扇墜木嬰
子百件中藏物物奇

賜畫面扇水精蠅墜字

玄蟬戢羽不聞聲
彩扇絛携刻水精
玉露清風俱入

手不知長夏有炎蒸

賜睿宗皇帝御書大字八音克諧天光雲影

於文華殿面授

灑翰含春

舊邸堂名

睿墨存奎光
虹彩照乾坤
已欽典樂

虞廷訓還誦真儒喻道言

賜渾銀盤一

冰同潔白玉同堅
若比蟾光亦爛然
叮嚀莫謾題生
菜元奉瓊羞在
御筵

賜御製朝泛舟于金海詩一軸

錦軸瑤籤捧御書
樓船秋日泛龍池
吾君不事橫

金山堂集 卷之三 五
汾樂爲憶 慈遊轉益悲

賜 皇祖御註道德經一部

道德真文授五千至人曾憶度關年金函玉字 高
皇註萬古神謨日月懸

賜銀套杯六小大各異以禮樂射御書數字別
之

銀質金書六字文酌時隨量淺深分貴同玉瓚歲爲
寶德比醇醪飲自醺

賜刻花合香牌子

合香牌子黃金縷佩向衣間藹異芬宮中總愛宜男

意花下雙孩是刻文

賜葫蘆畫八幅

水樹煙雲列畫屏良工高殿寫丹青內家每愛葫蘆
樣寶玩時時對寵靈

萬壽日賜喫麵青磁龍盃盛之

仁壽宮中稱萬壽仰瞻天表祝華封 旨傳賜喫長
生麵捧出蟠花御盃龍

賜金箱奇南香帶

奇南作帶赤金箱鈎繫雙螭白玉光出自崑岡呈寶
氣束當朝署散天香

金山堂集 卷之十
賜獨角獸補子

獸名獨角狀猶龍彩補恩頒組繡工疑有風雷起鱗
甲擘雲翻浪欲騰空

賜御用藥煮酒一瓶

御醴芬香味獨珍一壺宣賜殿頭春功可益元存麴
藥藥能祛疾備君臣

賜御藥如意飲五貼 諭曰能治百病以八月

望日修合

按得千金御藥方合時分取桂輪香 聖人一體君
臣義百病祛除保壽康

賜騫林茶黃精笋尖皆武當山中所產

綠茗黃精玉笋罌遠從湘水貢 王庭沾管一一皆
仙品露乳煙姿孕嶽靈

賜銀豆

白金鑄鑄能爲豆百顆勻圓白雪同若爲種在南山
下乞與民間作歲豐

賜銀八寶亦曰八吉祥錠勝珊瑚犀角珠子名

狀各異

忽驚海歲遺珍貝見說宮中號吉祥因是玉皇朝絳
闕天花片片落霓裳

賜嘉靖錢撰文賞也

新鑄青銅嘉靖年 聖恩頻給撰文錢原非萬選詞
林手滿橐持歸一赧然

賜貂鼠煖耳祀 玄極夜寒也又謁 陵騎從
再賜

扈蹕監祠夕殿中滿衣星露滿墀風春融為我消寒
冽貂帽深恩被紫茸

七月十六日再奉 旨金海乘涼舟泛和京山
太傅

傳宣再許內園遊避暑龍池暫放舟蓮首花連千嶼

錦梧桐葉報六宮秋便思解綬親魚鳥却恐浮槎犯
斗牛涉比巨川期共濟 恩同滄海歎難酬

奉和桂翁 無逸夜直之作

無逸今宵直還依紫禁高大官頻給膳中使特頒醪
坐久銷鑪篆寒深益毳袍廣庭霜月淨玉兔見秋毫

二

鳳閣詩頻出陽春調自高苑花催染翰宮月對傾醪
學士金蓮炬仙人獸錦袍起居勞聖問賜札 帝親
毫

帝壇入拜次前韻

望山堂集 卷之十
旃轉冷風蕭壇開紫炁高竹宮燔制幣瑤席奠仙醪
月色遙臨仗天香細入袍中央居太乙五色現靈毫

奉酬岱屏都尉

直廬宵命酌都尉興能高主第珍移饌官壺玉賜膠
地巖聞警蹕情洽聚冠袍文雅今誰敵詩成縱彩毫

早入承天門見鴉次韻

喧鴉爭入帝城飛映霧翻林颺曙暉官女乍聞驚夢
起省郎紛逐散朝歸聲傳萬井含鐘杳影落千門帶
月稀還向昭陽自來去綠窓凝望重依依

東閣閱庶吉士卷簡同事諸先生

東閣掄材奉詔同禁庭佳氣靄雲虹御題捧出綸言
煥筆陣驅時白戰雄光動夜濤珠出海暖回春苑鳳
來桐太平休遇知難報願得真賢答 聖衷

無逸殿直舍和少師相公韻

曝直承明幸接廬內房新賜更移居大官日逐頒饗
饈中使時常給掃除御案絲綸開玉札上清文字理
金書分明身到鈞天上傳和仙歌白雪餘

燈燭通宵晃禁廬霧窓雲閣近宸居瑞煙入座香浮
苑寒影窺簾月到除緱嶺乍聞丹鳳吹轂城先訪赤
松書歸來未向人間說天語親承燕對餘

金華集 卷之三 九
禱雪直宿苑中奉 詔詣都城隍祠行香以子

夜將事

燈火中宵出苑西寶香龍札 帝親題北陰朔氣催
瓊雪上界真符煥彩霓市靜斗星還歷歷祠深松栢
故淒淒九重此夕憂民意銀漢瑤光望轉迷

海天春曉圖歌爲桂翁作

頽霞紫炁搖青葱曦輪湧出扶桑東
奮翬騰掀巨鰲踊光彩下燭馮夷宮
洪波浩蕩浮元氣浴日涵空泮無際
碣石晴吹萬里風方壺曉落中天翠
是時青陽宣德澤千巖衆壑皆春色
天桃露嶼絳欲迷芳草煙

汀綠堪折懸泉挂壁古松青香霧環洲
桂樹榮島颿淑舶雲中見漢柱秦橋天際橫
別有仙臺香靄間丹崖翠谷渺難攀
貝闕峇堯凌五嶽銀宮晃耀出三山
紫芝瑤草紛開謝鶴馭虹旌自往還
中有仙人毛骨輕還丹玉液鍊初成
朝騎白鹿過玄圃夕嚙金精住赤城
我本丹丘生骭髀山澤形混迹縻塵網
束書遊玉京蜃市觀溟遠夙願麟洲採藥負初盟
誰將縑素寫雄觀令我一見心眼亂髮髯乘濤泛太瀛
便欲凌風生羽翰主人幽思在雲煙黃扉退食心悠然
鴻鈞已屬調元手花甲初逢獻壽年年獻壽奉瓊筵大

金山堂集 卷之三
隱金門是列仙日採芙蓉朝 帝闕還看渤海變桑田

步虛詞

高高黃金闕隱隱白玉樓中有虛皇居華景陰丹霄
朱陽洞明境青炁散空寥寤寐思真域但覺形神超

二

絳宮吸靈氣玉訣飛天罡翕爾生光電依然躡洞陽
赫奕三皇籙燦爛九霞章飛神朝玉闕羽蓋凌扶桑

三

振佩入瓊都雲扉是幾重鸞情依日觀鳳想結霞峰

魂瑩澄真識心齋清道容五色金光發相將隨赤龍
四

凌晨吸丹景入夜漱玉泉百關彌舒曠靈臺復湛然
冥思玄霄上馳神玉闕前無勞生羽翼自可揖真仙
贈童內方庶子

賜歸乘傳倍恩光水綠山青入楚鄉驛路草齊吟駐
馬渚亭花發醉留觴誠知筆裏驅雲夢早向池邊識
鳳凰望苑賓寮應共待好持經術輔元良

送許龍石少宰之南都

香案携經直九重留曹聊復借高蹤渡江風送仙舟

鵝望闕雲蟠帝宅龍東郡掃松還駐節北書將橘謾
題封舊遊回首難忘地坐倚修篁夕翠濃

南史部後堂有竹一

林予昔領此曹憇之故云

奉次少師桂翁 賜宴紀恩

鳳麟瑞世真賢出日月光天景運開身輔虞廷興禮
樂手調商鼎到公台賜筵玉醴頻繁送褒詔龍箋煥
爛裁盛典 本朝曾幾見百寮回首歎臣哉

聖朝褒禮重元臣南省衣冠慶此辰農野氣和初得
雨帝城花滿騰留春玉堂黃閣勲庸盛翠金銀罍賜
澤新歷考中書誰似者直從郭令到公身

再次桂翁鄉會即席韻

德星明處畫堂深咫尺煙霄喜盍簪扈 聖競瞻阿
閣鳳得賢寧羨隗臺金西江文獻元稱盛東里勲名
復見今瑤瑟夜歌催逸興彩毫春色動高吟

滿座春杯豈厭深百年嘉會此冠簪却慚葭質叨依
玉永荷洪鑪得鑄金廊廟聲華公振古虞周禮樂
聖逢今吹嗟幸接南宮席潦倒空廡下里吟

帷幄謀謨 帝眷深殿頭鳴玉領纓簪着來錦繡官
裁蝶捧出駢蕃 御賜金促召每聞忙入夜留懽剛
得暇逢今已陪魚藻霑恩宴更惜鶯花洽醉吟

金川張公閱僕舊作繆荷獎重次韻爲謝

老來虛愧度芳辰童子曾矜得句新賜帛幾人論將
荆公語 雕蟲當日費精神鏡中短鬢頻添雪陌上緇
衣謾化塵蒲柳體資山澤興敢窺時傑畫麒麟

寄贈槎溪王翁

問訊金陵河上居別來風景復何如群鷗自占溪翁
席駟馬能停省客車雲樹江東頻入夢塞鴻天北漫
題書極知泉石身閒樂不向中朝羨佩魚

遠別無因問起居開函初喜得雙魚鏡中華髮年何
似湖上扁舟晚自如身健底須求大藥眼明猶復理

殘書近聞欲返槎溪棹故里雲山樂有餘

鈴山堂集卷第十六

鈴山堂集卷第十七目錄

詩

元日賜栢葉詩

紀賜十二絕

被命靈濟岳岳二宮廟上香夜行作

內直次韻

扈從夜歸經太液池

曉出長安見西山

西苑區豆花

內直對雪有慶雪銀幣之賜

鈴山堂集卷第十六

鈴山堂集卷第十七目錄

詩

元日賜栢葉詩

紀賜十二絕

被命靈濟岳岳二宮廟上香夜行作

內直次韻

扈從夜歸經太液池

曉出長安見西山

西苑區豆花

內直對雪有慶雪銀幣之賜

金山集 卷之三
初誕孫賀賓宴集用往歲生男韻
誕第二孫疊前韻

子昂馬圖題贈大梁李中丞

贈仇總兵鎮守甘肅

贈別張甬川先生之南都

贈華學士視篆南院

贈僉憲白汝衡

少傅相公二郎偕第進士暮春宴城東王氏園

紀賀

袁守范君擢憲副九江贈以是詩

侍御楊明夫歸宜春因憶郡中園廬賦贈此句

侍御唐子薦謫判滄州作此慰之

贈馮侍御督學南畿

贈白因夫

贈子器之任建安舊任

贈易栗夫提學

寄陳顯仁僉憲同年

高氏義塾詩為致政司寇南屏作

送許仲貽之南京奉常

送胡少叅之蜀

送王克齋都憲總督漕運

以玉帶付東林寺僧并紀以詩予昔讀書此寺
送憲副教君貴之兵備蘇州便道省覲

送熊元直翰檢奉使還南昌

新治長安街西屋

內直守歲作

元旦紀事二首

冬夜宴別翰林邢伯羽熊元直給諫何思問
冊使諸藩給諫何時賓則出勘宣大功次
贈凌明府之宜春

詩餘

宮保王公浚川憶留都舊遊製木蘭花一闋見
贈輒次韻答之

月夕期浚翁文會疊前韻

答張少宰甬川疊前韻予往歲奉使湖南與少
宰會衡岳下登覽彌旬

和東坡大江東去詞二首

憶舊遊呈陸儼山學士

儼山學士示病中詞一闋乃有辟穀尋山之語
予廣其意而慰答之

少宗伯孫先生和東坡詞見贈依韻奉酬

鈴山堂集卷第十七

詩 南宮稿

升菴楊慎評點

元日賜栢葉詩

嘉靖壬寅正月一日欽蒙 皇上賜召勳輔同蒿
五臣于無逸殿饗以醴宴 諭曰以茲元旦召卿
等至少待亥刻歸庶吾君臣相慶嘉日焉已而出
金筒簪栢葉一枝賜各戴以歸臣蒿謹拜稽述古
詩四言一章識感遇云

王正啓祚青陽肇曆秘苑天開帝宮晨入 帝有綸

金山堂集 卷之七
言曰慶嘉日爰奉明恩恭承寵錫其錫維何惟栢一枝
凌霜挺翠臺露含滋采自玄圃捧出瑛墀金筒簪
戴煒燁其光君子有酒稱彼瑤觴堅貞比節森鬱呈
芳以勗臣德以介元祥君子萬年壽考不忘

紀賜十二絕

賜銀牌子刻平安二字

銀榜頒恩重椒觴取醉歡新年占百福天語賜平安
賜銀像生人馬并太平牌子四

白金作像生奇巧出新製中有四雲牌懽觀太平字
賜金壽仙二

鑄就兩仙人黃金不壞身鬢眉但了了那記壽鄉春

賜銀孩兒七

賜出銀孩美取義在宜男感恩先祝聖敬效華封三

賜新製貂鼠煖耳

貂帽頰露賜今番新製奇傳宣霄入直戴月出官墀

賜絨錦護膝一雙

鮮華新製錦軟煖厚鋪綿長跪謝宸渥造膝玉堦前

賜銀魚百尾

寶坻產嘉魚纖纖白似銀貢來供玉食何意得嘗珍

賜長春酒每夕一尊

直舍燈明裏，還攜應制文。宵寒霜漏永，賴此助微醺。
賜酒鱸一甕

入手霜螯美，言從海市來。甘香分御甕，約客共春盃。
賜橄欖

青果來閩嶠，分珍出御函。誰知辛苦後，滋味有餘甘。
賜御前色絲畫人物元宵卓燈一對

繪綵雙燈爛，分輝自御筵。玉堂留盛事，何異賜金蓮。
賜青油雨笠

帝宮催夕召，蕭瑟雨聲來。詔傳青笠戴，賜酒殿中回。
被命靈濟岱岳二宮廟上香夜行作

列騎騁浮塏，兼炬粲繁星。京陌何迢迢，邈迤記所經。
初辭苑西直，忽逗城東坳。祇果承宸命，宵駕不遑寧。
清都闕真境，瓊闕入紫旻。雲徑深窈窕，樓觀鬱亭亭。
亭岱岳崇祠，祀容衛儼百靈。松檜羅茂蔭，鬼物多猙獰。
形伐鼓聞層閣，焚香趨廣庭。夜久新雨歇，河漢轉晶荧。
遲漏漸已徹，巖城猶未扃。於焉紀于役，聊以奉惟馨。

內直次韻

苑外層槐晝景移，坐來直舍已多時。天壇高處圍黃幄，
惟見爐煙上玉墀。

閣道傳呼彩仗移四更金海月生時歸來無逸衣裳
冷還傍星辰宿殿墀無逸殿名

扈從夜歸經太液池

波上千燈迴御舫柳邊雙仗引官騮清蹕一聲來欲

近驚起鳧鷖過遠洲

承恩長得禁中遊騎通天閑十二駟行過荻叢風漸
浙不勝秋興滿滄洲

曉出長安見西山

六街盡日塵濛濛遠翠當前喜一逢知是昨宵新雨
過碧天雲淨看芙蓉

曉山微抹綠於鬢巖嶂層巒似可攀忽爾見山還自
樂何況仙人住在山

西苑匾豆花

荳花紅白滿秋天開傍金扉色倍妍內苑頻來還羨
汝因看籬落似村田

匾豆花開煙露繁却從禁苑憶鄉園那能歸種南山
舍步遶深叢未敢言

內直對雪有慶雪銀幣之賜

撲窓聞暮雪直宿殿廬深瑞集驚堆玉恩承喜賜金
三登占大有一德奉惟欽調燮曾無補惟勤夙夜心

初誕孫賀賓宴集用往歲生男韻二首

垂老見孫聊自慰更勞上客爲予歡極知所得多叨
幸况復非才屢進官乾坤錫佑嘉祥集門戶關心始
願完寶軸牙籤過萬卷賜書他日要渠者

在公夙夜真忘瘁剛爲茲辰罄一歡天道總容仁有
後世情徒羨貴爲官堂開綠野歸難遂桑植成都志
易完獨有寸丹期報主向來心事任人看

誕第二孫再用韻

又傳熊夢符新兆更藉犀錢續舊歡身事總知堪付
子老年因歎未休官棠留錦水祥源遠

先高祖爲桃
四川方伯

熟丹丘福果完爲謝少陵歌抱送新詩都下盡傳看

二

甘露長春皆 上賜朝回開閣更留歡欲知湯餅筵
中客盡是蓬萊闕下官鳳沼敢云雛再浴藍田因喜
壁雙完一年兩度孤懸日佳氣充閭次第看

子昂馬圖題贈大梁李中丞

卷中此馬畫者誰毛鬣欲動骨法奇尺素能收上閑
駿意態便欲隨風馳天閑十二紛相蠹想是郊晴初
出牧大宛雄姿宿應房渥注異種龍爲族金羈玉勒
不須誇且看連錢五色花歛見麒麟出東櫪還疑駮

駟涉流沙沙邊青草茸茸起上有垂楊覆河水圍人
騎放綠陰中參差駉牝成雲綺我觀此馬皆能過都
歷塊捷有神安得蕃息日適河之濱榆關已撤烽煙
警梁苑因同首宿春吳興妙手誰堪伍遺墨流傳自
今古人間駑輩徒紛紛哲匠旁求心獨苦擬將此幅
比瓊瑤寄贈佳人雲路迢天闕昔曾窺立仗霜臺今
復憶乘軺親持黃紙臨中土白日旌旗照開府臯夔
事業待經邦韓范威名先震虜氛侵潛消塞北塲河
山坐鎮汴封疆戍卒歸來放戰馬蒿陽今作華山陽
吁嗟平宵肝憂勤猶拊髀殊勲早奏明光裏願徵頗

牧入禁中坐令天下之馬休逸皆如此

贈仇總兵鎮守甘肅

出鎮河西當妙選眼中韜畧似君稀總戎正佩新金
印平虜猶傳舊鐵衣饒鼓暗驚關月落旌旗遙拂隴
雲飛欲知皇化今無外首宿春濃戰馬肥

贈別張甬川先生之南都

四十年來同宦侶幾人還聽鳳樓鐘叨依玉樹形難
並欲賦江雲意轉重南國持衡勞水鏡中台補袞待
山龍百齡壽母躬扶持此樂人間豈易逢

贈華學士視篆南院